


# California Lub Chaw Tuav Dej Num Saib xyuas Pej Xeem Txoj Kev Noj Qab Nyob Zoo Cov Kev Kho Kab Mob COVID-19



## Kev kho kab mob COVID-19 yog dab tsi?

Kev kho kab mob COVID-19 yog ib cov tshuaj (tshuaj noj, tshuaj txhaj, los sis tshuaj tso nrog dej (IV)) uas yuav tiv thaiv tau kom tus neeg tsis txhob muaj cov tsos mob uas mob hnyav thiab kom tus neeg tsis txhob tau mus pw kho nyob hauv tsev kho mob tom qab nws pib muaj cov tsos mob ntawm kab mob COVID-19 lawm.

Ib tus kws kho mob yeej qhia tau rau koj tias saib koj puas tsim nyog mus siv tau ib qhov kev kho thiab saib yam kev kho twg yog yam uas yuav zoo tshaj rau koj.



## Koj yeej mus siv tau cov kev kho yog koj:

- **Mus Kuaj Pom Tias Koj Muaj Kab Mob COVID-19** (mus kuaj ntawm koj tus kws kho mob, ntawm ib lub chaw Test to Treat (Kuaj Los Mus Kho) ib lub chaw muab tshuaj, los sis siv cov khoom kuaj uas siv kuaj tau hauv tsev), THIAB
- **Ntxim yuav mob hnyav** (laus tshaj 50 xyoo, tsis txhaj tshuaj tiv thaiv, los sis muaj [tej yam mob](#)\*).

Peb yeej muaj kev kho rau cov neeg laus thiab me nyuam yaus uas lawv tsim nyog mus siv tau cov kev kho tib si.

## Yim ntxov yim zoo

**Mus kho sai:** Yuav tsim pib qhov kev kho nyob hauv lub sij hawm li ntawm ib ob hnuv tom qab koj pib muaj cov tsos mob nws thiaj li yuav pab tau.

## Kuv yuav ua li cas kuv thiaj li yuav mus siv tau cov kev kho?

### Txoj hauv kev A: Nug mus rau koj tus kws kho mob.

- Yog koj yeej muaj cov tsos mob ntawm kab mob COVID-19 lawm, ib tus kws kho mob yuav pab xa tau koj mus kuaj thiab yuav muab tau ntawv siv ib yam tshuaj kho rau koj. Tag ntawd, koj mam li mus rau ntawm ib lub chaw muab tshuaj mus nqa koj qhov tshuaj.
- **Yog koj yeej tsis muaj ib tus kws kho mob**, hu 1-877-332-6585 mus nug saib koj yuav nrog leej twg tham hais txog koj cov tsos mob thiab kev kho.

### Txoj hauv kev B: Mus rau ntawm ib lub chaw Test to Treat.

- Yog koj yeej muaj cov tsos mob ntawm kab mob COVID-19 lawm, koj yeej mus kuaj tau, lawv yeej muab tau ntawv siv tshuaj rau koj, thiab koj yeej mus nqa tau tshuaj - tag nrho ua tib zaug nyob ntawm ib lub chaw Test to Treat.
- **Siv qhov txuj ci nrhiav cov chaw Test to Treat** [los mus nrhiav ib lub chaw](#). Koj los yeej yuav hu tau rau 1-800-232-0233 (TTY 1-888-720-7489).



Xoo tus lej QR nyob ntawm phab ntawv  
no los nkag mus xyuas cov links nyob  
hauv daim ntawv qhia ntawm no.



## Cov kev kho twg yog cov peb muaj?

Nws muaj ntau yam kev kho. Ib tus kws kho mob los sis ib lub chaw Test to Treat yuav qhia rau koj saib yam kev kho twg yog yam uas yuav muaj kev nyab xeeb thiab yuav zoo tshaj rau koj. Cov kev kho yeej muaj ua ntau yam kho suav nrog rau cov tshuaj noj, tshuaj txhaj nrog dej (IV), los sis tshuaj txhaj.

## Cov kho kho yuav raug nyiaj npaum li cas?

Neeg yeej tsis tau them nqi dab tsi rau cov kev kho kab mob COVID-19 feem ntau, tiam sis tej zaum cov chaw kho mob kuj yuav tsub cov qhov nqi mus ntsib kws kho mob thiab lwm yam kev kho los sis kev pab zoo li kev kuaj kab mob COVID-19 rau neeg them. Medicare, Medicaid, thiab ib txhia kev faj seeb rau kev kho mob (health insurance) yeej them tag nrho cov nqi, yog li ntawd, nug mus rau koj qhov kev faj seeb rau kev kho mob. Yog koj yeej tsis muaj kev faj seeb rau kev kho mob, nug lub chaw kho saib lawv cov nqi yog muaj zoo li cas.

## Cov kev kho puas yog ib yam uas yuav muab siv koj los hloov cov tshuaj tiv thaiv kab mob COVID-19?

Tsis yog, cov tshuaj tiv thaiv yeej tseem yog peb txoj kev uas yuav tiv thaiv tau zoo tshaj kom neeg tsis txhob mob kab mob COVID-19 hnyav. Cov tshuaj tiv thaiv yuav qhia koj lub cev los npaj tiv thaiv tus kab mob kom koj tsis txhob muaj mob loj ua ntej koj kis tau tus kab mob, thiab cov kev kho yuav pab kom cov neeg uas lawv twb muaj tus kab mob lawm tsis txhob muaj mob loj.

## Nws puas muaj ib cov kev kho uas yuav tiv thaiv kom kuv tsis txhob kis tau kab mob COVID-19 li?

Txoj kev tiv thaiv uas yuav tiv thaiv tau kom tsis txhob mob kab mob COVID-19 ces yog mus txhaj cov tshuaj tiv thaiv thiab mus txhaj cov koob tshuaj uas txhaj los tiv thaiv raws li lub sij hawm pom zoo kom mus txhaj. Tiam sis, yog koj lub cev yeej tsis muaj zog los tiv thaiv kab mob lawm los sis ib yam tshuaj tiv thaiv yeej tsis haum koj lub cev thiab koj yeej mus txhaj tsis tau txhuaj tiv thaiv, tej zaum koj yuav mus siv tau yam tshuaj hu ua Evusheld, uas yuav tiv thaiv kom koj tsis txhob muaj mob loj ua ntej koj kis tau kab mob COVID-19. Nrog ib tus kws kho mob tham kom koj paub ntau ntxiv.

## Cov ntaub ntawv uas yuav qhia tau ntau ntxiv:

- [CDPH Phab Ntawv Vas Sab Uas Qhia Txog Kev Kho Kab Mob COVID-19](#)
- [HHS qhov txuj ci nrhiav cov chaw Test to Treat](#) los sis hu 1-800-232-0233
- [HHS cov ntaub ntawv qhia txog qhov kev pab cuam Test to Treat Program](#)
- [\\*CDC Cov Ntaub Ntawv Qhia Txog Cov Neeg Uas Muaj Tej Yam Mob](#)